

Na osnovu člana 16. stav 4., Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona na 131. sjednici, održanoj dana 01.02.2018. godine, d o n o s i

ZAKLJUČAK

I.

Prihvata se Mišljenje Ministarstva za obrazovanje, nauku, kulturu i sport, doneseno po Inicijativi poslanika Midahata Delića, broj: 01/02-02-927-1/18, od 19.01.2018. godine, vezano za donošenje Zakona o plaćama i naknadama zaposlenih u oblasti obrazovanja i odgoja Zeničko-dobojskog kantona i čini sastavni dio ovog Zaključka.

II.

Zaključak sa Mišljenjem iz tačke I ovog Zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/18.
Datum, 01.02.2018. godine
Zenica

PREMIJER

Miralem Galijašević

DOSTAVLJENO:

1x Ministarstvo za obrazovanje, nauku, kulturu i sport,
1x Stručna služba Skupštine Zeničko-dobojskog kantona,
1x a/a.

Na postavljenu poslaničku inicijativu, na 54., sjednici Skupštine Zeničko-dobojskog kantona, od 17.01.2018. godine, od strane poslanika Midhata Delića, a vezanu za donošenje Zakona o plaćama i naknadama zaposlenih u oblasti obrazovanja i odgoja Zeničko-dobojskog kantona, Ministarstvo za obrazovanje, nauku, kulturu i sport Zeničko-dobojskog kantona, daje sljedeće:

MIŠLJENJE

Razmatrajući podnesenu poslaničku inicijativu iz dijela utvrđenih i propisanih zakonskih nadležnosti, ovaj organ kantonalne uprave želi naglasiti činjenicu da se ova važna pitanja finansiranja radnika u obrazovanju, regulišu u okviru posebnog dokumenta Pedagoški standardi za osnovnu/srednju školu Zeničko-dobojskog kantona, (kao pravnog okvira za finansiranje obrazovanja), na koje svoju posebnu saglasnost daje Vlada Zeničko-dobojskog kantona kao predstavnik osnivača javnih obrazovnih ustanova u državnoj svojini. Pored toga, Odlukom Vlade utvrđena je i tzv. "spiralna koeficijenata", za sva radna mjesta u našim školama-obrazovanju, odnosno pripadajući koeficijent za obračun plaća, dok se sa obrazovnim sindikatima kao ovlaštenim socijalnim partnerima, prethodno, (putem kolektivnih ugovora za djelatnost osnovnog/srednjeg obrazovanja), utvrđuje obim pripadajućih prava, uključujući i pregovore o obračunskoj osnovici plaće. S tim u vezi posebno napominjemo činjenicu da je odredbama važećih kolektivnih ugovora za osnovno/srednje obrazovanje za teritorij Zeničko-dobojskog kantona, izričito utvrđena politika jedinstvenih obračuna plaća, pri čemu se osnovna plaća nastavnika u osnovnoj školi utvrđuje kao i za državnog službenika-stručnog saradnika u organima državne službe Zeničko-dobojskog kantona, i taj princip je jednako poštovan u prethodnim periodima od strane ovlaštenih obrazovnih sindikata i Vlade Zeničko-dobojskog kantona kao socijalnih partnera. To praktično znači da je postojeći način obračuna plaća i pripadajućih naknada iz radnog odnosa zaposlenih u obrazovanju na području Zeničko-dobojskog kantona, bio predmetom svih prethodnih razgovora, usklađivanja i usaglašenih dogovora u navedenim okvirima sa obrazovnim sindikatima, na način da je svaka korekcija plaća bila jedinstveno praćena u okvirima prethodno usaglašenih Pedagoških standarda, pri čemu su uzete u obzir i sve druge specifičnosti rada u obrazovnoj djelatnosti, (primjerice: pad broja učenika u odjeljenjima, inkluzivno obrazovanje, rad o kombinovanim odjeljenjima, vrednovanje napredovanja nastavnika i stručnih saradnika, vrednovanje uspješnih rezultata na takmičenjima učenika, prijevoz radnika i slično). Pored toga, u prethodnim periodima, od strane zaposlenih u obrazovanju, (izuzev pojedinačnih zahtjeva za povećanjem norme knjigovođa i/ili obračunskih koeficijenta sekretara u školama kao saradnika), nije ni bilo zahtjeva za izmjenama postojećeg načina finansiranja obrazovanja i odgoja, tako da su nejasni dijelovi navoda iz inicijative koji se odnose na navodne nepravde prema ovoj kategoriji budžetskih korisnika, odnosno nejasnoće ili dileme prilikom obračuna plaća i drugih naknada, kao i svih ostalih navoda iz obrazloženja podnesene poslaničke inicijative zbog čega smo stajališta da ne postoje opravdani razlozi za prihvatanje podnesene poslaničke inicijative za donošenje posebnog Zakona o plaćama i naknadama zaposlenih u oblasti obrazovanja i odgoja Zeničko-dobojskog kantona.